


**DILIBBARAZIONI DI LA GJUNTA COMUNALI**



**COMUNI DI SANT'ANTONI DI  
GADDURA**

**PROVINCIA DI SASSARI**

**ORIGINALI**

- Cumunicata a li Capigruppu  
Cunsiliari lu  
Nr. Prot.
- Affissa a l'Albu Pretoriu la dí

**APPRUAZIONI PROTOCOLLU D'INTÉSA TRA LU COMUNI DI  
SANT'ANTONI DI GADDURA E L'ASSOCIAZIONE DEGLI AMICI DEL  
CAMMINO DI SANTU JACU.**

**Nr. Progr. 69**

**Data 05/11/2021**

**Siduta NR. 32**

*L'annu DUEMILAVINTUNU di CINCU di lu mesi di SANT'ANDRIA a li 13:15 s'è aunita illu Palazzu Municipali la Gjunta Comunali prisiduta da Dott. CARLO DUILIO VITI sendi iddu SÍNDACU.*

Fattu l'appellu nomminali risúltani:

<i>Cugnommu e Nommu</i>	<i>Gàrriga</i>	<i>Presenti</i>
VITI CARLO DUILIO	SÍNDACU	S
PITTORRU GIOVANNI	VICESÍNDACU	C
PIRINA LUCIA	ASSESSÓRI	C
FILIPPEDDU CHRISTIAN	ASSESSÓRI	C
DEIANA VANNI	ASSESSÓRI	C
<i>TOTALI Presenti: 5</i>		<i>TOTALI Ausenti: 0</i>

S = Presenti; C = Culligati in videocunfarènzia; N = Ausenti

Ausenti Ggiustificati li signori:

*Nisciun convocatu risulta ausenti ggiustificatu*

Ausenti No Ggiustificati li signori:

*Nisciun convocatu risulta ausenti inggiustificatu*

*Paltzipiggja cun funzioni cunsultivi, referenti e di assistènza e verbalizzazioni (Alt.97, c.4, litt.a) di lu D.Lgs n° 267/2000, lu SEGRETARIU GENERALI, Dott.ssa Barbara Pini, culligata in videocunfarènzia pal mezu Whatsapp. L'adunànzia è stata pridisposta in mudalitati telemàtica, cunfolma a lu dicretu Sindacali n. 6 di lu 13/04/2021.*

*Avvilguata la legalitai di l'adunànzia pa' lu nummaru di l'intilvinuti lu SÍNDACU dichjara abbalta la siduta invitendi li sigg. Assessóri a vulé trattà l'uggjettu supra ingjittatu.*

Allegati:

1) Pareri Art.49 - comma 1 - D.Lgs 267/2000

**UGGETTU:**

**APPRUAZIONI PROTOCOLLU D'INTÉSA TRA LU COMUNI DI SANT'ANTONI DI GADDURA E L'ASSOCIAZIONE DEGLI AMICI DEL CAMMINO DI SANTU JACU".**

**LA GJUNTA COMUNALI**

**RICHJAMATA** la Dilibbarazioni n. 48/9 di lu 11/12/2012 di la Regioni Saldigna chi ricunniscía lu valóri turísticu di li "camini" cantu a itinerari di pilligrinaggiu, chi attraèssani territóri di umbè di Comuni di la Saldigna liati da la devozioni di lu Santu e chi rapprisèntani a lu stessu tempu di l'itinerari di intaressu stóricu naturali, e ancóra lu valóri di criscimentu económicu illu campu di l'altisania e di lu cummèlcio;

**CUNSIDARATU CHI**

- la promozioni di lu turismu religiosu rappresenta unu di li miramenti stratégichi di l'Amministrazione Comunali e chi tra l'azioni pa' avvalurà lu territóriu v'è puru chissa liata a lu Caminu di Santu Jacu,
- l'associazioni "Amici del Cammino di Santu Jacu (AdCSJ)", sitta in Mandas, via Cagliari 90, è oparendi in manéra vulintària, pa' lu sviluppu di lu Caminu senza fundi spezífichi, à studiatu, pinsatu, sistatu, abbaltu a l'andéra di pirigrini e caminanti, a pédi, in bricichetta, a cabaddu, e chi l'è middurendi illi signali, illa cilca di l'alloggji a presgiu mudaratu e illa divulgazioni mediàtica in faóri di un'accudita maggiori di stragni.

**DATU** attu chi è intinzioni di l'Amministrazione comunali di filmà un protocollu d'intésa cun l'Associazione degli Amici del Cammino di Santu Jacu (AdCSJ), sitta in Mandas, via Cagliari 90, cu' lu scopu di puní in ópara l'intilventi e l'azioni nizissari pal mittí a puntu e smannà lu Caminu di Santu Jacu e pa' lu só ricunniscimentu in cuntestu europeu;

**VISTU** lu dissignu di protocollu d'intésa tra lu Comuni di Sant'Antoni di Gaddura e l'Associazione degli Amici del Cammino di Santu Jacu, alligatu a la presentì par esse palti integranti e sustanziali;

**VISTU** lu Statutu comunali;

Cun voti unànimi fauréuli,

**DILIBARIGGJA**

**DI APPRUÀ** lu dissignu di protocollo d'intésa chjamatu "Il Cammino di Santu Jacu-Santiago in Sardegna" tra l'Associazione degli Amici del Cammino di Santu Jacu" (AdCSJ), sitta in Mandas, via Cagliari 90, P.IVA 92194670920 e lu Comuni di Sant'Antoni di Gaddura a lu scopu di puní in ópara l'intilventi e l'azioni nizissari pal mittí a puntu e smannà lu Caminu di Santu Jacu e pa lu so' ricunniscimentu a livellu europeu;

**DI AUTORIZZÀ** lu Sindacu a filmà lu protocollo d'intésa supra ingjittatu, in nommu e pa' contu di l'enti di lu cali, cun la presentì, s'appróa lu dissignu alligatu chi ni faci palti integranti

**DI DÀ** attu chi la sottuscrizioni di lu protocollo d'intésa supra ingjittatu no cumpolta nisciuna spésa pa' lu comuni.

A último, vista l'ulgènzia, cun votti unànimi fauréuli



---

## UGGJETTU:

# APPRUAZIONI PROTOCOLLU D'INTÉSA TRA LU COMUNI DI SANT'ANTONI DI GADDURA E L'”ASSOCIAZIONE DEGLI AMICI DEL CAMMINO DI SANTU JACU”

## PROTOCOLLU D'INTÉSA PA' “IL CAMMINO DI SANTU JACU- SANTIAGO IN SARDEGNA”

---

L'annu 2021, la dí ..... di lu mesi di Santi Gaini, illu Palazzu Municipali in Sant'Antoni di Gaddura , illa Piazza Matteu Ruzittu n.1 , si sò auniti li suggjeti intarissati a la promozioni di lu “Cammino di Santu Jacu-Santiago in Sardegna” pà la sottuscrizioni di lu prisenti Protocollu d'Intésa.

*Tra*

*l'Associazione degli Amici del Cammino di Santu Jacu (AdCSJ), sitta in Mandas, via Cagliari  
90P. IVA 92194670920*

*illa passona di lu só presidenti, Flavio Vandoni, natu in Bellinzago Novarese la dí 01/10/1952, dumaticiatu  
in Mandas, mattessi indirizzu, CF VNDFLV01R52A752G, tel 3331032822*

*e*

*Lu Comuni di Sant'Antoni di Gaddura, illa passona di lu só Sindacu Carlo Duilio Viti , natu in Sassari la  
dí 18/11/1985*

*In esecuzioni di la dilibbarazioni di la Gjunta Comunali n..... di la dí.....*

## POSTU INNANZI CHI:

- l'impulsiãza di lu turismu a mubilitai lenta, pa' la só capacitai di alluppà flussi turístichi da un latu e da l'altu di avvalurà e sviluppà lu territóriu cun la criazioni e la palcurrènzia in tretti undi lu caminà, l'andà in bricichetta e a cabaddu so la majuria.
- cun tuttu chi esistini in Italia tretti e camini cun li piú vàrii attribuzioni, risulta sustanziali la prisenzia di lu "Cammino di Santiago-Santu Jacu in Sardegna" ill'assuntu di camini turístichi, culturali, stórichi e religiosi illa calta di li camini europei di Santiago, patrimóniu culturali di l'umanitai e caminu culturali europeu,

**RITINUTU** pal chissu nizissàriu paltizipà a lu sviluppu di lu "Cammino di Santu Jacu in Sardegna" chi l'associazioni "Amici del Cammino di Santu Jacu (AdCSJ)", oparendi in modu vulintàriu, chena fundi spezfichi, à studiatu, pinsatu, sistatu, abbaltu a l'andéra di pirigrini e caminanti, a pédi, in bricichetta, a cabaddu, e chi l'è cuncruendi cu' li signali, la cilca di l'alloggi a présgiu barattu e la diffusioni mediatica pal faurì un afflusu maggiori.

**CUNSIDARATU** lu ricunniscimentu, ill'annu 2012, di lu status di "Cammino Regionale" e chi lu contu è di d'iscrìi lu Caminu illi camini culturali europei (IEC) par esse ammissi a lu ricunniscimentu di "Itinerario Europeo" e a li fundi privisti pa' li "Cammini di Santiago" europei;

**CUNSIDARATU** chi la promozioni di lu turismu religiosu rappresenta unu di li miramenti strategichi di l'Amministrazione Comunali di Sant'Antoni di Gaddura e chi tra l'azioni pa' avvalurà lu territóriu v'è puru chissa chi atteni a lu "Cammino di Santu Jacu";

## TUTTU CHISTU POSTU INNANZI E CUNSIDARATU

Tra li palti comu supra idintificati, si cunveni e si sottuscríi lu Protocollu di Intésa chi sighi:

### ART. 1 – PRIMMISSA

Li primmissi e l'alligati sò palti intigranti e sustanziali di lu Protocollu di Intésa prisenti.

### ART. 2 - UGGJETTU DI LU PROTOCOLLU DI INTÉSA

Lu Protocollu di Intésa veni postu in accollu illu cuntestu di l'intaressi istituzionali di li suggjeti paltizipanti e cu' lu miramentu di puní in ópara l'intilventi e l'azioni nizissari pa'cuncruí e sviluppà lu "Cammino di Santu Jacu" e lu só ricunniscimentu in Europa

Prizisamenti:

1. Lu Comuni di Sant'Antoni di Gaddura si impegna a ingjittà lu caminu cu'li strumenti appósiti di lu "Cammino Di Santu Jacu", illu territóriu di so' cumpitènzia e a mantinellu bonu, in accollu cu' l'"Associazioni degli Amici del Cammino" (AdCSJ)
2. Lu Comuni di Sant'Antoni di Gaddura si impegna a prummuí lu "Cammino di Santu Jacu" tra

l'istituzioni religiosi e leghi di lu territóriu e a prummuí l'alloggiu pa' li pirigrini illi strutturi alberghieri, extra alberghieri e di ristoru.

3. Tutt'e dui li palti si impègnani a faurí lu sviluppu di lu CSJ pubblicizzendilu sia cun materiali di papéri sia in internet, illi só manifestazioni locali e regionali, ogranizzendi eventi e abbòii tematici.
4. Tutt'e dui li palti si impègnani a faurí lu sviluppu di lu CSJ puru cu' azioni istituzionali di pultà innanzi sia in un cuntestu di lu locu che regionali;
5. L'AdCSJ si impegna a puní e a pubblicizzà l'eventi di lu locu illu só situ web [www.camminando.eu/wordpress/](http://www.camminando.eu/wordpress/) e illi só pagini Facebook "Il Cammino di Santu Jacu-Santiago in Sardegna" e "Gruppo Amici del Cammino di Santu Jacu";
6. L'Associazione Amici del Cammino di Santu Jacu si impegna a faurí l'aggiornamentu e la midduría di li calti, di li sestí, comu puru di lu materiali di fundamentu pa' la descrizioni di lu caminu in fulmatu multilinghi.

### **ART. 3 - IMPEGNI AGGJUNTI DI LI SUGGJETTI SUTTUSCRITTORI DI LU PROTOCOLLU DI INTÉSA.**

---

Cu' lu prisenti Protocollu di Intesa li Palti:

- a) Si impègnani a irrispittà li punti di l'altícucu d'innanzi, dendi cumunicazioni a tempu datu di eventuali mudífichi o integrazioni a lu prisenti Protocollu di Intésa;
- b) Si impègnani a puní in pràttica azioni di reti, puru a livellu internazionali, pal mezu di una sinirgia di puní in ópara puru cu'la paltizipazioni di altu associazioni di lu territóriu chi spàltini li mattessi prinzipi e miramenti di l'Amministrazione Comunali di Sant'Antoni di Gaddura e di l'"Associazione degli Amici del Cammino di Santu Jacu" (AdCSJ);
- c) Si impègnani a spindí li fundi regionali e europei pal middurà l'accudita e l'accasaggiu di li pirigrini, pal restaurà lu patrimoniu materiali e immateriali esistenti, pa' sviluppà l'avviú di editing e marketing in faóri di l'accudita di pirigrini illu "Cammino di Santu Jacu" e illi zoni allaccananti (camini di lu locu).

### **ART. 4 – FINANZIAMENTI E ACCOLDI DI COLLABORAZIONI**

---

*Siddu chi la Regioni Saldigna o altu Enti o Istituzioni, pruppunéssini di cunfinanzia pruggjetti di missa in valóri di lu territóriu e/o di turismu religiósu, li palti àni la facultai di piddà o di fulmalizzà altu accordi di collaborazioni.*

*Si prizzisa chi chistu Protocollu d'Intésa, potarà esse la primmissa pa' la custituzioni di accordi e/o iniziative di reti*

---

**ART. 5 – CUNTIERRI**

Dugna cuntierru chi potaría dippindí da l’eselezioni di chistu Protocollu di Intésa andarà acconciu di bon miletru tra li palti.

**ART. 6 - APPRUAZIONI, PUBBLICAZIONI, EFFETTI, DECADENZA E DURATA**

Chistu Protocollu di Intésa è sottuscrittu pa’ approuazioni da li **rappresentanti ligali** di li palti intarissati. Chistu Protocollu di Intésa, à valóri da la data di sottuscrizioni e arà la durata di anni cattru, casu mai rinnuàbili sendi primma d’accollu li dui palti.

Lettu, approuatu e sottuscrittu

Data .....

Pa’ lu Comuni di Sant’Antoni di Gaddura

Pa’ l’Associazione Amici del Cammino di Santu Jacu

.....

.....




Istituto Chircas



Comuni di Sant’Antoni di Gaddura



REGIONE AUTÓNOMA DE SARDIGNA  
REGIONE AUTONOMA DELLA SARDEGNA



**COMUNI DI SANT'ANTONI DI GADDURA**  
**PRUINCIA DI SASSARI**

***DILIBBARAZIONI DI LA GJUNTA COMUNALI***

Nummaru di Pruposta **72** di lu **26/10/2021**

Nummaru Dilibbara **69** di lu **05/11/2021**

Sittóri/Silvíziu: **Silvizii socioculturali**

UGGJETTU

**APPRUAZIONI PROTOCOLLU D'INTÉSA TRA LU COMUNI DI SANT'ANTONI DI GADDURA E L'ASSOCIAZIONE DEGLI AMICI DEL CAMMINO DI SANTU JACU".**

*PARERI DI CUI A L' ART. 49 DEL TUEL - D. LGS. 267/2000*

Cunfolma a la **REGULARITAI TÉNNICA** innant'a la pruposta originaria à isprimutu paréri:

**FAURÉULI**

Data **27/10/2021**

**LU RESPONSABBILI DI  
SETTORI**

**Dott.ssa PIRINA VIVIANA**



Istituto Chircas



Comuni di Sant'Antoni di Gaddura



REGIONE AUTONOMA DE SARDIGNA  
REGIONE AUTONOMA DELLA SARDEGNA



**COMUNI DI SANT'ANTONI DI GADDURA**  
**PRUINCIA DI SASSARI**

**DILIBBARAZIONI DI LA GJUNTA COMUNALI**  
**N. 69 del 05/11/2021**

UGGJETTU

**APPRUAZIONI PROTOCOLLU D'INTÉSA TRA LU COMUNI DI SANT'ANTONI DI GADDURA E L'ASSOCIAZIONE DEGLI AMICI DEL CAMMINO DI SANTU JACU".**

Lettu, approuatu e sottuscrittu.

**FILMATU**  
**LU SINDACU**  
**Dott. VITI CARLO DUILIO**

**FILMATU**  
**LU SEGRETÀRIU GENERALI**  
**DOTT.SSA PINI BARBARA**

*Incaltamentu prudottu in originali infulmaticu e filmatu digitalmenti cunfolma a l'art. 20 di lu "Codice dell'amministrazione digitale" (D.Leg.vo 82/2005).*

**BARBARA**  
**08.11.2021**  
**17:47:46**  
**GMT+01:00**



Istituto Chircas



Comuni di Sant'Antoni di Gaddura



REGIONE AUTONOMA DE SARDIGNA  
REGIONE AUTONOMA DELLA SARDEGNA